

КОМСОМОЛОНЬ ВАЙГЯЛЬ

ЛИСЕНЬДИ III-це КИЗОСЬ

Мокшэрзянь ВЛКСМ нь
обкомть и Саранскаень
горкомть газетасна

Адресс: г. Саранск, ул. Ленина 9
телефон № 1—72.

18

МАЙСТА
1936 КИЗОНА
52 (290)

Лисеньди ковти 12-кеть

Ленинизманы пропаганданы мощнай орудия

Марксонь-Энгельсонь - Ленинонь институтт эса В. И. Ленинонь Центральной музеенц просторнай залонзонды сувайхть тяти социализмань тьожяйтть строительхть. И синь инголет панжевихть рабочай классонь гениальной вождьт, большевистской партияти основателенц, Коммунистической Интернациональ твореценц, сембе мирса васеньце Советской государствать организаторонц эряфонь и тюреманы величественнай эпопеянц страницанца.

Ленинтть образонц маласа и пильни Советской Союзонь эрь трудяйтти, сон эряй сембе миронь пролетариятнень и угнетеннай народтнень седисост. Ленинтть произведенийнэз служайхть революционной мыслянь неиссякаемай источник, конац вдохновляет тюрема пролетарской революциянь боецень многомиллионнай армиять. Миллиотт трудящайхть величайшай кельгома и мяль мархта тонафнесазь Ленинонь эряфонц.

Од музейсь ули достойнай памятникоск вожди. Сон тийф Сталин ялгаты предложениянц коряс; сон макссь детальнай указаният сянь колга, кода должен улемс организовандаф музейсь. Сонь предложениянц коряс ульсь путф кочкамс музейти сембе цебярьть, конац солонф Ленинонь лемонц мархта, искусстваны и литератураны сембе сокровищатнень, конат по священнайхть Ленинтти и срафттольхть раньшэ лама лия музейхненъ эзга. Сембе нят материалхне кочкафт и путфт од музейти стама простота и ясность мархта, кодама веши ся ломантть величественнай образонц, конанцы посвященной музейсь.

В. И. Ленинтть музейец кармай улема ленинизманы пропаганданы могучай орудиякс. Ленинтть эряфоц и большевизмать историяц неразрывнайхть, аф явфтомшкат фкяфкянь эзда. Ленинонь биографиянц эрь страницасонза отраженнайхть партийнай историянь события, ибо сембе сонь эряфоц максф большевистской партияти строяманшты, коммунизманы инкса тюремат. Вов мес, тонафнемок Ленинтть эряфонц музейса лапф документтнень и материалхненъ коряс, тьожяйтть сонь посетителензон эзда кармайхть тонафнемонза большевистской партияти историянц.

В. И. Ленинтть музейец лезды эрявикс серес ладямс ВКП(б) ть историянц тонафнеманц, избавиться схематизмать и сухость эзда, конатнень мархта сидеста страдандай минь пропаганданьке. Большевизмать живой, много красочнай историяц панжеви сятнень инголе, кие внимательнайста ванцыне музейть материалонзон. Многочисленнай ленинской документтне, конат кочкафт музейса, лездыхть тонадомс партияти рабочай классонь сембе врагтнень каршес тюреманы опытоны, максыхть представления тюреманы тактика и приемтнень колга, конатнень мархта пользовандамок партияти срафтозень сембе оппортунистической течениятнень и группировкатынень.

В. И. Ленинтть музеенц сембеда пяк оцю значенияц советской од ломатьтнень воспитандамаса. Музейсь документонза и материалонза

максыхть теест, конат аф содасазь революцияда ингольденъ эряфть и тюремать условиязон, яснай и живой представления героической кить колга, конанц йотазе большевистской партияти. Синь ниясаз, што сембе кить йотамстонза Ленинтть эряфоц инь теснайста сотневи сонь инь маластонь соратниконц и гениальной продолжатель Сталинтть эряфонц мархта.

Ленинонь и Сталинонь героической эряфсна ащи минь од ломаненьконды примерокс, конанц мелгы синь молихть эряфонь кити сувамост, эряфса эсь киснон вешемста.

Аф сави сомневандамс сянь эса, што музейть залонза арайхть минь од ломаненьконды тонафнемань кельгома вастокс. Музеи якамась максь теест толчек историять, вассендакиге ВКП(б) ть нинге сяда глубокайста и келиста тонафнеманшты.

Славнай большевистской партияти тюреманы и строительстваны опытоц—тя стама революционной оружань неисчерпаемай арсенал, кодамса минь вооружандакшнесась эсь пряньконь дальнейшай тюреманыди, конац служай инь виисредствакс од ломатьтнень коммунизманы духса воспитандамасост.

Музеи сувамста гранитнай доскалангса вырарированайхть Сталин ялгаты валонза:

„Мяляфтость, кельгость, изучандакшнест Ильичть, минь учительньконь, минь вежденьконь.

Тюреда и сяськондиентть врагтнень внутренняйхненъ и внешняйхненъ,—Ильичть коряс.

Строяда од эряф, од быт, од культура—Ильичть ладса.

Мзярдонга тяда откаказшне работаса йомлать эзда, ибо йомлать эзда тиеви великайсь.—тянь эса Ильичть фкя инь важнай советоц“.

Сталин ялгаты нят валонза кемоста сувайхть фсякайть мяльсь, конац ульсь музейса. Музейса кочкафт материалхне и документне тонафтсазь минь од ломаненьконь по-ленински тюрема и эряма.

НИНГЕ СЯДА ПЯК ЦЕБЯРЬГОФТОМС КУЛЬТУРНО-МАССОВОЙ РАБОТАТЬ

Саранск. Оцю работа рабфаконь студенттнень йоткса заньши клубнай работась. Клубнай работась сотнесыне: хоровой, музыкальной, драматической, физкультурнай кружокнень работаснон. Хоровой кружокса сембец 40 члеть, коса руководствати платнай руководител музтехникумста. Тя хорсь сидеста морси рабфаконь вечерхненъ эса, мокшень, эрзянь и рузонь морхт. Цебярьста работаманкса хоровой кружоксь казф.

Клубса работайхть колма драматической кружокт: эрзянь, мокшень и рузонь. Тялонь перфь путнесть 15 пьесат. И нинге ульсь путфт пьесат подшефнай колхозсонга.

Минь ударниконькя

Слобда. М.—Мазканянь „Нашмен“ колхозсь йотафтсь оцю аноклама работа тундань видемати. Алашатне ульсь цебярь упитаньностьот. Видемать аделазь майть 6 це шистонза

ПАНЖЕВСЬ В. И. ЛЕНИНОНЬ ЦЕНТРАЛЬНАИ МУЗЕЕЦ

Майть 15-це шистонза 12 частста шить панжевсь Владимир Ильич Ленинонь Центральной музейнц кенкшенца. Нинге шоблава музейнц зданияти, конац праздничнайста мазептьф якстерь знамяса, таргавсть лама сядот москвичт. Столицать трудяенза эряскодсть Революциянь площади, коса Краснай площадьть мархта серьчек мавзолейть вакссозданай Ленинтти величайшай памятник, созданай од научнай база ленинизмать колга исследователской работаньди.

Напряженной вниманиань мархта йотсихть посетительхне просторнай залхненъ эзга. Ламоц синь эздост ламос лотксихть башка экспонаттнень ваксс, блокнотозостьормадкшнихть лама записьт. Музейсь экскурсанттненьди лифни оцюжелания сяда пяк Ленинонь произведенийнзон лувомасонды и тонафнемасонды. В. А. Рюмин научнай работниксь, улемок музейса лама частт, отзывонь книгати сьормадсь, што сонь мялец нинге аф весть самс музеи, штоба кеменяста тонадомс документтнень и литературать.

Фкя залса моли оживленной беседа. Шарикоподшипниконь заводста Подров токарьсь, конань портретоц ащи афичкизе Ильичть портретоц эзда, экскурсантонь группати азонды сянь колга, кода 1894 кизоня Петербурга сонь квартирасонза Владимир Ильичсь вятьсь руководства рабочаень марксистской кружокть эса. Фкя группась полафнесы омбоцеть. Сембе оцю

мяльса кулхондсазь Ленинонь подпольнай работанц колга расказть, сянь колга, кода сон пуропнезень пролетариатть виензон.

Музейсь кемокнесы Лениноньди, партияти и сонь великай вожденцты Сталинти любовьть. Лама отзыфнень эса азонкшеви благодарность партияти и Сталин ялгати кели грудяень массатненьди Великой пролетарской революциять героической историянц тонадомаса ленинизманы прекраснай школань организовандамать инкса.

Афкирьдеви человеческой потосксь, конац стреминдай Ленинонь бессмертной образста волнующай документтнень эзда получаамс творческой зарядка социализманы од победаны тиэмс. Планц коря музейсь путозе шити нолдамс фкя тьожянь посетительхть, тьяконь йоткса 400 одинокат и 600 организованнайхть экскурсиява. Но эрзяви мярьгомс тя планц ни йотневи вельф. Иляденъ 5 часттненьди модемс музейга йотасть 1500 ломатт, аф лувомок башка экскурсиятнень. Организованнайста састь Коломнань пропагандистне, Ленинградонь жезезнолорожниковь группась, Московонь Дзержинской районцита пропагандистонь группась.

Ллак лотксексашеныхть заводтнень и учреждениятнень эзда экскурсияв модемс заявкатне. Музейть работань васень шистонза сьорматфть очередс майть 18 шинц самс 60 экскурсият 1500 ломанень эзда.

ТЕВТЬ ВАСТС, БОЛТОВНЯ

Ромоданово. Куриловань первичнай комсомольской организациась ашезень шарьхкодъ ВЛКСМ-нь 10-це с'ездть путфксонзон. Тя няеви сянь эзда, што тя пингс первичнай организациась занимандакшни общай кизефксса.

Кеподьксоньди апрель ковста йотафть аф с'ередной комсомоль-

скай марстонь пуромкс, коса ванонцть фкя кизефкс тундань видемать молеманц колга. Тяда меле пяк шарьхкодеви, што Куриловань комсомольской организациась, тачимс аф содасыне комсомольт основной задачанзон—од ломаттнень коммунистической воспитанияснон.

Ламоц комсомолецне болтандайхть эрь пуромксса тундань видемать и лия хозяйственно-политической кампаниятнень йотафнемаснон колга и мезевок аф тиендихть содама-шиснон касфтоманц инкса, аф мольфтихть культурно-воспитательнай работа афсоюзнай одломатьтнень мархта и ст. тов.

Эрзяви азомс, што башка комсомолецне кярмодсть массовой работать йотафтоманцты. Кепотьксоньди Ерешеев ялгась, бригадаса колхозникнень йоткса йотафни газетань, журналонь кайгиста морафнемат и беседат. Йотафни „Поднятая целина“ романтть кайгиста морафнеманц.

Паксянь станца ноляй бригаднай стенань газета. Ерешеев ялгась производствасовок роботай цебярьста, сон тундань видемань сембе пингста вельф пяхкодькшнесыне выработкань норманзон.

Но тя роботай аныцек скамонза Ерешеев ялгась, а лядыхне марса комсортть мархта ашесть кярмодъ ВЛКСМ-нь 10-це с'ездть путфксонзон практической работаса пяхкодемасонды.

Видемста прокс вельф пяхкодькшнест нормаснон Маскайкин Иванц, Кудашкин Никифорсь, Кудашкин Никитсь, Кудашкин Семенц и лиятне. М. ферсман,

Политгосмотань кружокнень и школатнень эса ВЛКСМ-нь Х-це с'ездть решениянзон изучандамаснон колга

Тонафнемс и тонафнемс

Кизода тядя инголе ВКП(б)-нь Центральной Комитетсь няфтьсь кизонда пропагандистской работамать лоткафтомани недопустимостенц лангс. Политико-воспитательнай работась,—корхтась ВКП(б)-нь ЦК-ть решенияса,—„не может каннемс „сезоннай“ характер, а эрви мольфтемс систематически кизонь перьф“.

Тя указаниясь тя пиньгс ниньге ванфнесы эсь значениянц. Тяни ни трудна мумс политической образованияса „сезонностень“ теорияти открытай сторонник, но аш кода мярьгомс, што сон („сезонность“) марнек машф.

Васень тундань шитьне канць эсь мархтост лама сигналхт пропагандистской работать лафчеп оманц колга. Сталинградской краень Ждановской и Фроловской райоттнень эса лама школат и кружокт лоткафтозь эсь работаснон. Нльня столицань фкя оцю заводть эса—Кировть лемса „Динамо“ заводса—майть 5-це шистонза ульсть сязьфт занятиятне кота кружо кова.

Трудна азомс тянь мезьса либолияса, „сезонностень“ настроенияда башка, конатнень, кода няеви, ашезь машфта ниньге кой-кона комсомольской руководителхне.

Ня настроенияитне сембедонга опаснайхть тяни, мзярда комсомольской руководствать инголе ащи пяк важнай и ответственной задача: организовандамс ВЛКСМ-нь Х-це с'ездть решениянзон изученияснон.

Аш кода лотксемс с'ездть решениянзон анычек комсомольской собранияса обсуждандакшнемаснон лангс. Собраниятьнень эса с'ездть материалонзон обсужденияса—минь раз'яснительнай работаньконь важнейшай пяльсоц но анычек сонь пяльсоц. Лама кизефкт, конат освещеннайхть Косарев ялгать отчетнай докладсонза, ВКП(б) нь ЦК-ть секретаренц А. А. Андреев ялгать речьсонза, ВЛКСМ-ть программасонза и уставсонза, вешихть пяк подробнай и углубленнай пропагандистской разбор.

Вов мес ВЛКСМ-нь Центральной Комитетсь лувозе эрвиксоньди

йотафтомс политической образованиянень сембе сетьть эзга специальнай занятият Х-це с'ездть решениянзон изучандамас, посвятиндамок: ВЛКСМ-нь ЦК-ть отчетнай докладонц (Косарев ялгать докладонц) и А. А. Андреев ялгать реченц изучениянцты—кафта занятият.

ВЛКСМ-ть программанц изучениянцты—фкя занятият;

ВЛКСМ-ть уставонц изучениянцты—фкя занятият.

Комсомольт школаса работанц колга решениять изучениянцты—фкя занятият;

ИККИМ-са ВЛКСМ-нь делегациять докладонц изучениянцты—фкя занятият.

Комсомольской организациятне должны пяк тщательнайста анокламс Х-це с'ездть решениянзон изучандамаса занятиятнень йотафтомаснонды. Корхтамась моли васендакига, сян колга, штоба обеспечить занятиятнень эса Х-це с'ездть сембе кизефксонзон углубленнай, всесторонний обсужденияснон. Кой-кона организациятне Х-це с'ездть решениянзон изучандамасе занятиятнень сводят с'ездонь материалхнень простойста лувондомаснонды. Кепетьксоньди, Макарьевской райононь (Кировской край) Ильинской школьной первичной организациять комсоргоц Звоноялгась пуроптозень комсомолецнень, лувозе теест Косарев ялгать докладонц и мярьгсь: „Эрьда работада по новому“ И тянь лангс комсомолонь Ильинской организацияса Х-це с'ездть решениянзон изученияснон лоткафтовсь.

Х-це с'ездть решениянзон изученияснонды тяфтама подходсь безусловна аф правильной. Сян вастс, штоба Косарев ялгать докладонц лувондомс занятияс, комсоргги эриволь ба эсь пиньгстонза заботендамс сян колга, штоба эрь комсомолецсь луволезе тя докладть кружокть занятияда инголе. А занятиятнень эса эриволь ба организовандамс докладть основной кизефксонзон подробнайста обсужденияснон.

ВЛКСМ-нь Х-це с'ездть реше-

ниянзон эса комсомольт работасала важнейшай кизефкт путфтиакс. Саты анычек няфтемс хотя ба комсомолу примамань условиянень полафтомаснон лангс, конат солондфт сян мархта, што комсомоль шарфневи передовой советской од ломанень организациякс. Улель ба эльбятксокс арьсемс, што кизефктсь тяфта одкс путомац ули сияк жа шарьхкодьф сембе комсомолецнень мархта. С'ездта инголе программать и уставть обсуждениясна сатомшка яснайста няфтезе, што кой-кона комсомолецне ашезь шарьхкочне, кепотьксоньди, мес полаффт социальной регулированиесь комсомолу примамста. Улель ба эльбяткс срафнемс сян сомненияснон ся основаниять лангса, што с'ездть решениянза обязательна эривихть пашкодемс. Эривихть терпеливайста азончнемс сембе неясностьнень и нят кизефкснень, конатнень комсомолецне макссезаь, срафнемс сян-аф виде представленияснон и лездомс теест тиемс с'ездть решениянзон эзда практической выводть эсь работаснонды.

ВЛКСМ-нь Х-це с'ездть решениянза касаются советской одломатьтнень самой жизненной кизефксонс. Тоса, кося ня решениятнень раз'яснениясна ятеви аф формальнойста, кося пропагандистсь выступает сембе содамашинзон мархта, занятиятне йотнихть исключительна оживленнайста, слушательхне относятся теест оцю интерес мархта. Вов мес с'ездть решениянзон изученияснон тщательнайста организовандамац лезды тейнек максомс оцю размах комсомолса сембе пропагандистской работати.

Задачаь ащи сян эса, штоба аф холдамс кодамовок сезонност политической тонафнемаса, тщательна организовандамс сембе комсомолецнень мархта с'ездть материалонзон изученияснон, эсь пиньгстонза максомс теест литература, анокламс пропагандист, вишкоптемс с'ездонь кизефкснень школава и кружкова живойста обсужденияснон.

Тячнень комсомольской пуромкссь ульсь аф обычной. Обзда меле 2 частса сембе комсомолецне пуромсь пуромксу, штоба тонафнемс ВЛКСМ-ть уставонц и программанц и тиемс эстеест работамань план сембе 1936 кизоти.

Н. Резеповкань комсомолецне лувондозь и кочкsezь уставть и программать эзда эрь пунктть, эрь предложениять и вальт. Программать лувондомода меле ушедсть тиема работамань план.

Комсомолецнень эрь предложениясна ульсь направленной сянди, штоба-тонафнемс и тонафнемс Комсомолецне сембе содасазь, што сян йотксот улихть ялгат, конат омбоцеда тонафнесазь Карпинский учебниконц, сяс васень пунктсна ульсь сьормадф ся, штоба колма ломаньди кода Кирсамовти, Ларинти пуроптомс партиять историянц тонафнеманц ингса кружок

Лама корхтасть комсомолецне эсь общеобразовательнай тонафнемаснон колга. Выводсь ульсь фкя, эрви пуроптомс илядень общеобразовательнай школа. Планозост сьормадсть: пуроптомс илядень общеобразовательнай школа, кося ладямс 2 класт: 5 и 4. Сувафтомс тя школати аф союзнай стирьнат и цьорат. Занятиятнень ушедомс сентябрьть васеньце шистонза. Отвечандай комсоргсь.

Аш кода комсомольской организацияти йотамс вакса велень од ломатьтнень йоткса сьормас аф содама шить машфтоманц колга. Сян колхозост ниньге лама од ломаньда, конат аф содайхть и кржа содайхть сьормас. Сяс эсь планозост сьормадсть: Июньть 1-ше шинц самос цебарьняста лувомс колхозса сембе аф грамотнайхнень и малограмотнайхнень и эстакиге ушедомс паксянь станца и велеса йотафнемс занятият. Тя работать поручандамс Игошин ялгати.

Сомбе комсомолецнень оцю ульсь мяльсна улемс физкультурникос. Эсь планиост комсомолецне сьормадсть: июльть 1-це шинцты колхозса тиемс спорт городок. Тякама пунктть эса мярьгсь комсоргги, штоба курококе корхтамс колхозонь правлениять мархта, штоба максольхть вирь.

Аф весть ни комсомолецне корхнесть, штоба улемс „Ворошиловской стрелокос“, но мянь тиярс анычек срхксесть, а тев ашель. Тяни комсомолецне эсь планиозост сьормадсть: Мярьгомс Макушев ялгати (сон ОСО-нь руководитель), штоба модем району и РайОСО-нь председателхть мархта корхтамс норматнень и малокалибернай патроттнень сатомаснон колга и июньта ушедомс тренировандама.

Тяфта жа конкретна Ново-Резеповской комсомолецне эсь планиост сьормадозь лия работатнень колга. Школаса решили пуроптомс музыкальной, хоровой кружокт и пионер отрядти сатомс знамя, барабан, звеньевой флажокт, галстукт и значект. Сьормадсть пункт, штоба марса лувондомс художественнай книгат, кода „Как закалялась сталь“—Островский, „Поднятая целина“—Шолоховь, „Мать“ Горькайт и лия книгат. Тяс-жа сембе комсомолецненьди мярьгф, штоба сьормадфтомс газетат.

Ниньга лама пунктта сьормадф, конатнень эса азф мзярда организовандамс и кие организовандасы. Тя планть тя пашкодемац ули практической тевкс Сталин ялгать указаниянзон пашкодемаснон ингса.

Сергеев.

Аноклатама пря социалистической родинаньконь арелямонза

Косарев ялгась эсь докладсонза шарфни оцю мяль военно физкультурнай работать лангс. Сон корхтай: „Асколяда, ялгат, мор мархта эряфть эзга, но тясть юксне эривик пингста фатямс и винтовкаткья, аглавнайсь тонафнемс безукоризненна сонь мархтонза владеть“.

Рабфкаконь комсомольской организациясь инголинге оцю мяль шарфнесь военно-физкультурнай работать лангс, а сядя пяк вишкоптезе военно-физкультурнай работать Х-це с'ездть указаниядонза меле.

Тяниень пингть пуроптф стрелковай кружок, коза фатяф 31 ломань, конат аноклайхть эсь пряснон эса ворошиловской стрелокос.

Ня шитнень пингста рабфакса башка группатнень йоткса йотаффт стрелковай соревнованият, кося примасть участие 42 ломань.

Пяк цебарь результат ляценде маса няфтьсь Першин, Саушина, Логинов, Малышкина, Голов, Зарезнов ялгатне.

Тя пингть самс комсомольской организациясь комсомолецнень и аф союзнай студенттнень эзда аноклаь 61 ломань ПВХО-нь значкист, мадастонь пингть ниньге кармайхть максомс нормат ПВХО-нь значекс

несколько ломань.

1-це ступенень ГТО-нь значкиста рабфакса аноклаф—46 ломатть и курок макссазь сембе норматнень ГТО-нь значекс нинге—66 ломатть комсомолецнень и аф союзнай студенттнень йоткста.

ГСО-нь значекс максозь норматнень 198 ломатть и нинге лама кеметт студентт аноклайхть пряснон эса ГСО-нь значеконьди нормань макссема.

Рабфакса организовандафт волейбольнай колма командат, конат вятихть систематической тренировки. Станя жа организовандафт футболнай команда, конат станяжа пцтай эрь шиня тренировандайхть.

Йотай талоня комсомольской организациять и дирекциять инициати васнон мархта рамаф планер. Планернай кружокса тонафнихть 13 ломатть, кося курок кармайхть йотафневома практической занятият Кирюшкина ялгать руководстванц вельде.

Лама студентт эрь шинь тренировкать вельде сатсь оцю сатфкт физкультурнай и военной тевса. Еремкин, Кемаев, Кашигин ялгатне кармасть тиендема сложнай упражненият параллельнай брусьяса, кольцаса и тропецияса.

Дементевсь, Талалаевсь, Храмо-

всь, Самаркинць цебарьста кармасть комотнема серьс и кувалмос. Сян кувалмос комотнихть 4,75 м. и серьс 1 м. 35 см.

Стирнятнень эзда улихть цебарь ласькихть: Саушинась, Таракановась, Богородскаясь и лиятне. Сян 400 метрань кувалмоть ласьксазь 1 м. 9 сек. Кирюшкинась и Саушинась 27 метрань кувалмос йорсазь гранатать. Кудашкинась и Дементевсь 2 секундань пиньгста шафнесазь противогать (нормась—5 секунд).

Тарейкинць 4 секундаста, 8 секундта вастс полафтсь противогать зараженной вастса.

Мезе тийф, тя ниньга пяк кржа. Комсомолецне эсь комсомольской пуромксост лихтсь путфкс, штоба пуроптомс ниньге волейбольнай кафта командат, фкя футболнай. Анокламс—120 ворошиловской стрелокт, ГТО-нь 100 значкист, ПВХО-нь—100 значкист, и ГСО-нь 200 значкист. Организовандамс связистонь кружок, кося кармайхть вятеме руководства демобилизованай красноармеецне. Эрь шиня шовдава, занятият-да инголе площадкаса йотафнемс физкультурнай зарядка, коза фатямс сембе студенттнень.

А. Чекашкин

Саранск ошо Рабфак.

„АРЬСИ РЕЗОЛЮЦИЯСА И КОРХТАЙ СИНЬ ЭСОСТ“

Рузаевкань ВЛКСМ-нь райкомть секретарец Сорокин ялгась арьси стама болтунонь типокс, конатнен меткайста и видеста характеризовандазень Косарев ялгась эсь докладсонза комсомолонь 10 це с'ездса.

Сорокинцэ кода вельможнай бар „сонсбязательно сембень ланкс прксни (фыркает) и сембень эзда мезе бди веши. Сембе теенза обзатт и сембе наказуемайхть. Сон аф юкстасы азомс и терьдемс черновой работати, а сонцэ сонь эддонза всякай лаца ворьгочки (избегает), кода шайтанцэ ладоньшта... Сон кельксы, штоба комсомолецэ сонь инголенза якальхта „струна“ вельде. Сон убежденнай, што сембе цебарьсь организацияса тушенды (излучается) сонь валда йоньцтонза али жа обязательно арьси результатокс сонь „кема руководстванцы“. Арьси сон резолюцияса и корхтай синь эсост“. (Косарев).

Тя характеристикась пятай марнек ащи Сорокинцэ сяс, штоба кемокстемс ня валхнен, минь няфтьсаськ фактнень. Работамок 3 кофт секретарькс Рузаевскэй райкомса, Сорокин аныцек [весть ульсь аф лама частонь пиньгс первичнай организацияса, ито эстонга якась сяс, што сявозе сонь „Комсомолонь вайгаль“ газетать сотрудникоц.

Илядыкс сембе пиньгть сон ащи кресланцэ лангса кабинетса и кучси руководства первичнай организациясва кагодкат, пуропни заседаний, шапама вайгальса ивади и грязей..

Райкомть аппаратса сон „сыкамонза начальник“. Корхтамс или критиковандамс работать аф марьги. Улеза хоть йомбла замечание или критикань намек сонь колганза, Сорокин стай кресласта и максы „решительной отпор“.

Работникне, конат работайхть мархтонза, сонь мялезонза исть ту, теенза исть кельгов. Тяниень пингс райкомса кодамовок работник аф машты стама резолюциянь тиема, кодама эряви Сорокинцэ. Политто-нафнемань отделть заведующаец Адушкин ялгась кота шит сьорма-джшнсь и одукс тиендсь фкя резолюциять, но Сорокин сонь сякокс ашезе прима.

Колма ковста Сорокин добувась эсьтеенза работань стиль: перьфляили кучси приказт. Кабинетстонза аф лисеньди нльня сянъ варжам, кода йотафневи эряфс эсь приказоц, конань максомска афоль эряв. Лисель кабинетста, соньцэ тьянь шарьхкоделезе.

Рузаевкань райкомть аппаратоц, ваномок эсь „мудрай“ руководителени указанийзон и поведенинц, кармась прафтома заседанийтненьди, резолюциятненьди и администраторонь восторгти. Райкомть работниконза сявомок февральста и

майтть самс ульсь первичнай организацияса 7-8. Тяфта работайхть ся пиньгова мзярда ВЛКСМ-нь ЦК-ась анай, штоба 70—80 процент пиньгть эзда улемс первичнай организацияса и тоса лездомс.

Рузаевкань райкомть руководителенза ашесть кабинетса и сьормадсть сочиненият—резолюцият. А первичнай организациясва ся пиньгова сетьмось работась. Райкомса лац содазь, што Ускляйса, Алексинаса, Аргамакоса кизонь перьф ашель фкявок политзанятие, но тяниень пинькс тоза кивок изь мольт.

Ковда тядя инголе комсомолонь райкомсь лифцэ афкальдяв решения Шишкевской колхозной первичнай организацияса политучебать состояниязц колга. Тя произведенийть творецоц Сорокин ялгась лама пингс кенярчнесь эсь детишанц мархта и непри-менна няфнекшнеза тя решениять ВЛКСМ-нь обкомста, эрь сашенды ялгатненьди, кода конкретнай, оперативнай руководствань образецт. Но тя путфксэ лядсь станя жа апак пашкодть, кода и лама лятне.

Политто-нафнемась Шишкевской организацияса тя пуфкста меле аф аныцек цебарьгоц, а меки лангт, сядонга калдыагоц.

Рузаевкань райкомсь и сонь секретарец тя пинс нинге верондайхть каготкять всемогуществанцы. Тя тевсь лама калдыава теест тисъ, и кда аф машфцазь тяфтама практиковать, то сон может кандомс нинге сядонга лама.

Эряви видеста азомс, кда синь аф тисазь одукс эсь работаснон, кда аф машфцазь прокс (навсегда) окриктъ, командованить, заседательской суетнять и кагодонь мараниять, то синь аф пашкодсэзъ (неисправятся) од ломаттнень и ильтнень коммунистической воспитаньяснон и образованьяснон колга лангозост путф задачатнень мархта.

ВКП(б) нь райкомсь и сонь секретаренза Строкин и Васин ялгатне калдыава интересовандакшнихть комсомольской организациять мархта. ВЛКСМ нь райкомонь аппаратть работанц колга афсопмась, пяк лац няфнесы комсомольской организациять лангса партиянь райкомть ширьде руководствань аф вятемать колга. Аф Строкин ялгась аф Васин ялгась ашесть интересованда сянъ мархта, кода мольфневи с'ездть решениязон изучениясна. Синь ашесть му пинге нльня ванондомс райкомть мероприятиязон ВЛКСМ-нь 10-це с'ездть решениязон пашкодемаснон колга и присутствовандамс райактивса, конань эса ванондовость (обсуждались) ня мероприятиятне.

М Люпаев.

Учительхненди аш возможностьт эсь образованияснон кеподемс

Шайгова. Темяшевань афполнай средний и начальнай школань учительхненди аш возможностьсна эсь образованияснон кеподемс. А тьяка йоткть эряви азомс, што ульхть учительхть, конатнен аш полнай средний школань образованиясна. Синь аш возможностьсна анокламс, штоба 1938-це кизоти получаис учительнэ званияти атестат.

Учительхненди эсь образованьяснон кеподемань работати аф максевихть условият, перегруженнайхть работаса, аш светсна и лама лия афсатыкст.

Прохор.

Тонафнихненди историять коряс оценкань максомась

РСФСР-нь Просвещениянь Наркомть Бубнов ялгатъ приказонц коряс, историяса тундань испытаниятне тя кизоня кармайхть йотафневома аныцек 7-це и 10-це класснесь эса.

7-це класса испытаниятне кармайхть йотафневома средний веконь историять курсса, кона ульсь йотаф тя кизоня, а кемоньце класснесь эса—СССР-нь историять коряс, уставамок Великой Октябрьской пролетарской революциять эзда.

Ветецекс, котоцекс, кафксоецкс и вехксоецкс класснень эса историять коряс кизонь квалмонкса оценкатне ульхть тийфт тонафнихненди кизотъ йотамс получакишнеф оценкаснон коряс.

КОСОТ 230 УЧЕНИКНЕ?

Вертелим велень аф полнай средний школаса тьялонда ученикга ульсь 350. Аш кода азомс. што ученикне школав тьялонда якась калдыава. Мекланкт, тьялонда посещаемотсь ульсь удовлетворительнай.

Но вов ушедсь тундась. Школав 350 ученикнень эзда илядсь 120. А косот лятне? Мес лятне лоткасьт якамда ся пиньгова, мзярда тонафнемань кизотъ шумордаманцы лядсь фкя ков?

Няемок, што класснень пяселна лядсть шава, дирекциясь изь тревожав тя положениять мархта. „Аш ученикт—ашетяма ученикфтома“, тяфта арьсихть учительхне Вертелимонь школаса.

Ламоц ученикнень эзда лоткасьт

школав якамда сяс, што синь калдондсэзъ кудонь ваном алясна—тярясна. Ламосна аф якайхть сяс, што... ласьконьдихть ульсьяса. Синь няеньдсэзъ учительсна, конат йотнихть ваксаст. Учителхне няеньдсэзъ ученикнень родительснон, но штоба корхтамс синь мархтоц ученикт колга,—мелезостка аф сашенды. А комсомолецне, первичнай комсомольской организациясь? Тяфта жа, кода и учительхне, идьтнень йотнесазь вакса. Аф стак вь пионеронь отрядсь школаса ащи беспризорникос, пионерхне якайхть афуряднайста, афкультурнайста.

Павлов.

Вертелим веле,
Шайгавонь р-н.

Ваймама пиньгонькя йотни скучнайста

Зубу. Минь педтехникумонь студентне скучнайста йотафнесаск ваймама пиньгонькенъ Техникумса пятай кодамовок культурно-массовой работа аф йотафневи, нльне клубоньковок аш. А минь студентнень ули оцю мяльсна ваймо семс культурнайста.

Васендакигя ушедсэзъ сянъ эзда, кодапня йотнихть оцю переменатне. Макссть звонок. Студентне сембе ласькихть ульцэв. А мезе ульцэса тиендихть? Конат бароцайхть, конат ваймоснон лисемс ласькондихть фкя-фкянь мяльга, а конац озай тишенять лангс и нувай шинять каршеса, тяфта йтни эрь оцю переменане 20 минутат.

А мес аф организовандамс оцю перемена йотковз играй, коллективнай танцт, организованнайста занимандамс физкультураса, таргамс студентнень турникти, комотне-матненьди, волей болейнай площад

кати и ст. тов, тя сембе можна организовандамс сталмофтома.

А сясваск выходной шитнень, Выходнойста студентне пингснон йотафнесазь кие кода повсь.

А вдь минь Зубуса пяк цебарьхть природнай условиятне мес ба аф модемс коллективча, организованнайста сембе школанек вири, мес ба аф организовандамс физкультурнай соревнованият: ласькондемаса, комотнемаса, гранатань йорямаса, дисконь йорямаса и ст. тов. Мес ба аф организовандамс струнной оркестр, ГТО-нь, „В—С“, ПВХЭ-нь, ГСО нь значеконьди нормань макссема. Волей болса, футболса—соревнованият. Тя сембе можна организовандамс и эряви организовандамс. Комсомольской организациясь лувомок тя сьормать, надбьятама организовандасы тя тевть.

Забиякин.

Я. ПИНЯСОВ

Александр Кукинцэ

(Очерк)

Кукин Александрхненъ кудснон кольцэс фатязь колхозницатне, колхозникне и ученикне. Колхознай гнедучасъ тов-сей шашфнезень тьожия крандаскятнень и цингорфтозе кургстонза овозенц. Сон учсь эсь кельгеме конюхонц, кона якась и урядсеза—аннезе сонь цебарь кормада.

Панчсь куда кенькшасна. Кукинцэ бодрай аськолмаса аськалдась куцематнень ланга, но курокста кружась сонь колхозникне и колхозницатне и кармась кядьснон макссема. Синь тьячи проважасазь инь цебарь ялгаснон, стахановец-комсомолецт Кукин Александрть Якстерь армияв великай родинать границанзон ваном.

— Илядт шумбраса, цьорай, ульхть вернай часовойкс, кулхонцт эсь начальстваценъ, кучсек сьорманят сяда сиденяста, а минь карматама тейть колхознай новостнень кучсема, — корхтась Александрть аляц, а сонцэ люпштазе цьоранц кяденц родительской кельгеме мархта.

— Прощай цьоранай,—пшкядсь дядяц и палаза Шурать, а сонценъ радостнай сельменястонза гурнязевсть жемчужнай путькска лаца сельмя веденза.

— Тят авардь тядай,—марьгсь Александрсь и тусь крандаскятнень шири.

— Мон радостьтон аварьдьян,—отвечась тядяц.

Алашась сьрхкасть васитонза и бодрай аськолманяса тусь инголи, но народсь исть мрда. Синь иольсть мянь Сире Теризморгань веле пети.

Мзярда Александрть брадоц Васились нотфазень вожжатнень, то

алашась сядонга вишкста гурнязевфтозень шарыхненъ и Шурать меле яфиясть сядот кядь.

Теризморгаста Рузаевкав кись такор, алашась ардсь рысса и ритмичнайста покаясь сонь шуване копытанянза.

— Вася браткай. Тон нингя одат. Тейть аныцек кемсисемя киза. Колхозса работак станя, кода работашнень мон. Мяляфк Вася 1933 кизотъ. Ярхцама пяль колхозса ашель, но вдь эрявсь тундань видема кампаниять йотафтомс, рабочейне атказакшнест паксав лисемс. Тенень савсь шинек-венек работамс колхознай паксать эса. Мон соксекшнень и пицсекшнень обед, ужен-хотя и калдыаволь ярхцама пяльсь, но колхозникне азонкшнест спасибат и тундань видема аделаськ пингта инголе.

Кизода лама работань конюхокс, алашане ульсь справнат. Районтьт эса упитанностень коряс занцине васень вастть.

Мзяра работаса гулень, сембе васца мах изень максся. Тяни туян армияв, великай масторонь границанеконь ваном, мон надиян, што тосонга комсомольской настойчивость мархта карман работама. Монь винтовказе ули меткай, сельмоня ниясэзъ врагть,—корхтай Шурась, а тоса брадонц лафтус пугозя кяденц и марьгсь:—и надиян брат, што тон молят монь полафтомон. Арат сяка постти, сясваск сяка винтовкать, кона родинаньконди ащи вернайста.

— Полафття брат! —Весеяласта пшкядсь Васясь—таргамок Рузаевкань райвоенкоматть инголи алашать.

Саранск—1936 г.

РАИОННАЯ И ПЕРВИЧНАЯ ОРГАНИЗАЦИЯ

Зубу—Потьма

Майть васеньце шистонза Зубу-са васеньце тяде васельсть Зубу-бунь и Потьмань футбольнай командатне. Матчсь шумордавсь Зубу-бунь командат пользас—13: 0.

(„Л. 3.“)

754 Комсомолец тонафнихть кружокса

Зубунь районца первичнай комсомольской организациява политкружокса тонафнихть 754 комсомолец и 240 афсоюзнай од ломатят. Сяда башка организовандафт партиять историянц тонафнема 6 кружокт, коса тонафнихть 129 комсомолец.

(„Л. 3.“)

ФИЛЬКАТЬ ГРАМОТАЦ

Сембеньди шарькодеви, што родной кялень афсодай ломаньць культурать эзда аши сатышка и кизе вастса. Тя истинась ляды истинакс и мокшень кяльсовок.

Но тев лангса тя простой истинать кой-кие юкснесы и тапарай мокшень кяльсть эса стане, што сьормадфонц эзда кивок мезевок аф шарькоди. Но сядонга аф терпимай ся фактсь, што тапарай сьормадфнень ланкс кивок аф ваны, бта тяфтак и эряви, бта мокшень кяльса тядла лац аф азови. И сембе тя лисеньди сяс, што сьормадфн аф содасы мокшень литературнай кяльть.

Улихть сьормадыхть: „председатель колхозось“ или „председатель сельсоветась“, „номеронь аптекась“, и стак тово. Ванода учреждениян, магазинонь вывескатнень лангс, и мутада нинге тядонга оцю тапаряфкт. И сембень тиеньдэз стама ломатят, конат эсь пряснон лувондсаз

Комсомолец Шумкинть бригадац

Ельниковской МТС нь тракторнай отрядть 2-це № бригадаса бригадиркс работай комсомолец Шумкинць и теенза помощниккс комсомолец Шибаловсь. Тя бригадаты ашель стама шиц, штоба со камань нормась афоль уль пашкадьф вельф. Эрь трактористсь сменати сокай 5,25 гектархт нилеть васте. Трактористтне Крапивинць, Нестеровсь и Мартышкинць сменати сокайхть кажнайсь 6 и 6,5 гектархт. Тяка жа пиньгова 19,5 килограмм горячайть вастс плхтайхть 15 килограммат.

Эряви азомс, што тя образцовый бригадась, коса работайхть комсомолецт, аши сельме фтала МТС-са культурнай работат эзда, ильня газетат аш бригадаса, аф корхтамок ни лия культурнай мероприятиятнень колга.

(„З. П.“)

культурнайкс и ильня—пак культурнайкс.

Киньди савсь йотамс Саранскаень почтат вакса, то ся содасы, што почтась ня шитьнень макссь оцю буква са тяфтама плакат:

„Сембе газетатненьди и прьмосеви подписки журналне или мокша и эрзянь“

Шарькодеви ли тя „Филькань грамотась“ эсь сьормадьенцы, уж афкорхтамок сонь лувонзон колга? Ссадаф, што аф шарькодеви. И тяфтама „грамотада“ лама. Синь тиеньдехихть сяс, што рузонь-неста мокшень кяльсь йотафть обявлениятнень кивск аф ванондсыне а синь сьормадьсна, конат лувондсаз эсь пряснон „вельф культурнайкс“, эсь родной кяльснон аф содасазь.

А вдь пиньгети лоткафтомс тя безобразиять.

А. Ч.

ПИОНЕРХНЕ КУНДАСТЬ ШПИОН

„Комсомольской правдаты“ корреспондентоц Хабаровскойта пачьфни куля сянь колга, што Тюнская велень корейской ш. олань, конат ащи Японской морят дальневосточнай границанц южнай пяльксонза, ученикне Николай Тэн, Ким браттне и лиятне кундасть шпион. Шабатьне налкесеть фкя фанзань маласа. Вдруг увазевсь пине и синь нийсазь фанзат инголе сай афсодань ломань.

— Чужой ломань мярьгсь Тэн-цэ.

Сембе марса лиссть афсодань ломанть каршес.

— Кинь тон вешеньдят, коза молят?—Кизефтезь сонь идьтне корейской кяльса.

Ответсь ульсь путандаф, аф шарькодеви, идьтне тянь путозь мяльс.

— Тяса коса—бди Сесуро кись?

Школьникне шарькодезь, што ломаньць сась лия странага.

— Аряда, минь тейть няфтьсаськ

—корхтайхть шабатьне. И сембе кавкось кружазь афсодань ломанть тесна круга.

Школьникне тусть заставать ширико за вятэзь аф содань ломанть и максозь заставань начальникть Сидоренко ялгать кядьс.

Сяда меле лифтьф, што афсодань ломаньць—шпион, конат йотась границат вельф специальной задания мархта.

Дальневосточнай крайть эзга пограничнай охранань управлениясь няфтьф бдительность, находчивость и границат ареляманцы лезксонь няфтемат инкса казезе пионерской отрядть, конанц эсот шабатьне, знамяса, горнаса, барабанца, волейбольнай сеткаса и мячса, а пионерхнень—костюмса, пионерской галстукса, значекса и лия подаркаса. Синь родительснонды колхозникненьди—рыболофненьди азф благодарность.

Сойкинць юкстазе отрядонц

Чамзинка. Мокшалаень афполнай средняй школаса пионерработась ладяф пак калдываста. Илье пионерской сбортка аф луропневихть, аф корхтамок ни кружокнень работаснон и воспитательнай работат колга.

А пионервожатайсь Сойкинць отрядти прявок аф няфни.

А мезе ваны комсомольской организациись? Идтьнень воспитандамаснон инкса вдь сон отвечай.

Грикс.

Косот газетатне?

Шайгав. Мизерянонь колхозникнень эзда ламоц сьормадфнесть эсь лемозост газетат, но синь получандакшихть аф сембе. Таронсавсь, Храмовсь и лиятне офсикс ашесть получандакшие.

Паксянь станца газетат вестья аф эрйихть, аф ваномок сянь лангс, што синь колхозникне сьормадфть эсь лемозост газетат, а синь газетаснон паксяв почталонць Тарантовсь аф каннесыне.

Коза тиеньдсазь газетатнень, кивок аф содасы.

Парл

Лига, нациянь советть сессияц

Абиссиниянь кизефктсь обсуждандамац отсрочендаф июнь 16-це шинцты

ИТАЛИЯТЬ КАРШЕС САНКЦИЯТНЕ ЛЯДОНДЫХТЬ ЭСЬ ВИЙСОТ

Женева, майть 12-це шистонза. Тячи шобдава Иденть, Поль Бонкурть и бельгиянь иностраннай тевоны вяти министерть—Ван Зееландть йоткса ульсь предварительнай переговорхт. Шить омбоце пяльксонза державань представительхне, конат подписали локарскай соглашениять, кочкавсть Италиянь делегатфтома и путозь, што сяс мес Англиянь меморандумть каршес Германиять ширьде аш ответ, синь одкстоптсазь локарскай кизефктсь ваноманц Советть чрезвычайнай сессиянц пингста.

17 частста (жневескай времать коряс) ульсь Лига нациянь Советть закрытай заседанияц, конань эса ульсь арьсеф открытай заседаниянь шинь порядоксь. Шинь порядка фкя кизефктс: итало-абиссинскай конфликтсь.

Лига нациянь генеральной секретарьсь Авенольсь азсь Лигань советти ся заявлениять колга, конань тиезе теенза Алоизи Женева-ста италиянь делегациять туманц колга.

Сяда меле открытай заседанияц ушедомста, председательствующай Иденть азсь шинь порядокь колга и терьдесе Абиссиниянь представительть Вольде Мариамть Советса вастонь зайняма Сяда меле Иденть лувозе резолюциянь проектть, конат выработаннай Советонь члетьнень совешанияса. Резолюциянь текстса корхтати:

Лига Нациянь Советсь, конат пуромсь Италиять мархта Абиссиниять йоткса конфликтть обсуждандама, лятфнесыне ся решениейть колга, конат Лига нациянь ширьде примафт тя кизефктсь коряс 1935-це кизонь октябрьть 3-це шистонза сявомок, лувонцы, што необходима отсрочкась штоба максомс советонь члетьненьди возможность положенийть ваномаса, конат созданнай италиянь правительство од мероприятиянзон мархта, путнесы возобновить тя кизефктсь ваноманц июньть 16-це шистонза и лувондсы, што тя пингть йотамс аш основаният мератнень полафтомаснонды, конат марса примафт Лига нациянь члетьнень мархта“.

Резолюциясь, конат лифтьсь, ожив-

ленной коментарият Лига нациянь кругтнень эса, лувондови, кода Лигать позициянцы кой-кодама укрепленийкс агрессорть каршес.

Резолюциять огласиндамода меле выступандась Абиссиниянь представительсь—Вольде Мариамсь и азозе, што Абиссиниянь правительство вась намереннай неуклонна арялмс эсь странанц целостностенц и эняльди Лига нациянь Советти лацкас осудиндамс италиянскай правительстват намерениянзон насильнайста машфтомс государстват, конат ащи Лига нациянь членкс. Абиссиниянь правительствась эняльди примениндамс Лига нациянь уставть 16-це статьянц сембе пунктонзон.

Абиссиниянь делегатть заявлени-яда меле, кода кулхонтоф пак сетьмоста ащезь, председателсь кизефтезень Советонь члетьнень, улихть ли замечаният резолюциять колга Латино-американскай колмагосударствань представительхне сявсть вал резолюциять колга заявлениянь азомс. Гиназу (Аргентина) азозе, што сон резолюциять мархта согласен пингть серьезностенц и Лигать уставонц основной принципонзон подержкаснон необходимостенц инкса, но эсь правительстванц лемста тиетьди оговорка дискуссият отсрочкань максомать колга. Ривас-Викунья (Чили) азозе, што сон правительстванц мяленц коряс, санкциятне эрвяхть лоткафтомс, сяс мес тя „лафчептольцеба мировой экономической и политической кризисть“. Вов тьянка сон воздерживаетсь голосования эзда. Залдумбиде (Эквадор) тяфтаж тись оговорка санкциятнень кувалгофтомаснон колга.

Лувомок, што ня сембе оговоркатне улихть сявфт мяльс, Иденть мярьгсь Советти резолюциять примамода, сяс мес сон целайнек отражандакшнесы Советть мяленц. Советсь тянь мархта согласиндась и примазе резолюциять, тяда меле Иденть азозе заседаниять сьолкфокс.

Лига нациянь Советть сессияц, вероятно, аделава ванды.

Женева, майть 12-це шистонза. Итальянскай делегациясь тячи тусь (покинул) Женевага.

(ТАСС)

Манчжоу-Готь границанзон касфтомасна

Шанхай, майть 11-це шиста. „Лайчжоуваньбао“ газетась азонцы, што японечне мольфтихть аноклама 1933-це кизоня эсь вешемаснон коряс тийф Великай Китайской стемат южнай ширесонза тийф демилитаризованнай зонаты Манчжоу Готь территориякс шарфтоманцы. Предварительна тя зонась ули лемтьф Луаньди провинциякс, а сяда меле ули аннектированной.

Италиянскай армияв студентонь вербовандамась

Лондон, майть 11-це шистонза. Рейтер агенстват Адис-Абебаста корреспондентонц сообщениянц коряс, италиянечне вишкста вятихть италиянскай туземнай армияв студентонь вербовандама.

Кода пачфнихть куля Харраста, грабежень тиема пингста италиянскай войскактнень вступленияда инголе тоса юмась питай 600 ломатть.

120 кизос каторгав

Берлин, майть 11-це шистонза. Крефельдса (Рейнскай область) судсь 8 шинь пингсь разбирательствада меле судендась 24 ломатть, конат обвиняндакшневихть сущест-

вующай строить лангс свержениянь тиема са покушениянкса, марса лувозь 120 кизос каторгав и 27 обвиняемайхнень 2 кизос модемс тюрьмаса ащема

Отв. редакторсь С. С. ЛАРИОНОВ

Уполномоченный главлито № 772 / Заказ № 1768. Тираж 2654.

Саранск Типография „Красный Октябрь“ Мордгиза